

現火先萬道露神獸萬形大敗著眾仍獲渠  
魁如此顯應三司禮部定到虞候表政出給  
公據放今遂便又奉聖旨賜酬獎錢五百貫  
就在京上清靈應宮建道場一月仍設普天  
醮其錢公偃轉一官除宣徽院使

毒蜂竊雲

西京崇福宮有北極紫微閣唐則天時建做  
傲天宮有二勝四將之院有前後帝代御書  
每年係故老重臣監提并使命管掌非同常  
處近為右角一簷傾塌漸傷聖像尋報判府  
侍郎富弼借諸官來驗見一椽斜墜損真武  
右肩不敢擅修合具申取旨却有內侍岑靜  
奉勅齋香誥獻崇福宮諸殿委提轄及判府  
等計驗北極紫微閣真武福神身相有無動  
損近為皇帝於寢室見神人紫綬金帶端笏  
纓稱臣是西京崇福宮北極紫微閣傳奏土  
地本為本殿真武靈應真君因與皇帝助戰  
西蕃趙元昊化黑蜂遍滿軍前特助元帥龐  
籍獲勝為施神功護國右臂傷中不可盡言  
臣若不奏聞陛下無緣得知言訖辭去時安

西士馬雖未回朝知府富弼其前項付岑靜  
回奏奉聖旨差殿使及八作坊工匠并賜金  
字牌一面限一年重新修蓋兵部尚書門下  
平章事龐籍劄子稱面奉委差安西征討趙  
元昊方大軍臨三鳳川與趙元昊親戰經三  
時辰忽有黑黃土蜂起如雲霧遍及郊原競  
趨西兵見番眾傷中倒卧萬數遂掠數人驗  
視並非器刃所傷或抵面目三五點點損據  
云痛切心髓蓋是宋朝有無礙智力神道顯  
聖化為毒蜂甚於矢石先是趙元昊被繫頭  
如中一大斧負痛敗歸造甘伏文字過界時  
元帥龐籍接受元昊實封表降納地圖親  
齋回朝面賀進呈奉聖旨送中書看詳取會  
到崇福宮土地來現預報勝因除都統龐籍  
別行勳贈外就四聖觀修建道場保國護民  
聖醮三晝夜答真武征西助國之恩

玄天上帝啓聖錄卷之三

玄天上帝啓聖錄卷之四

神將教法

流四

乾興二年正月據忠州團練使充黔州兵馬  
鈐轄張孝寧狀奏近為南戎谿洞蠻子龍氏  
群集萬眾盡習標槍實難准敵蒙樞密院差  
充此任於安撫司抽軍五千及指使三人孝  
寧因見故父宣徽文立供養真武一堂在家  
凡事求籤乃行伴件靈感孝寧做父供養專  
誠不違昨為朝廷放試武學預曾夜夢受真  
武殿下河魁神將親教槍法弓馬事藝頓然  
神悟至殿前呈試於二百人中唯孝寧第一  
當授三班殿侍出身是真武保護至此孝寧  
軍隊約行一百餘里過夜路次護國觀有一  
小殿香燈微明見牌是真武之殿孝寧焚香  
求一籤大吉暗對真武發願此去若得一陣  
滅除蠻寇當以本身官資兌換恩賜報斯靈  
貺越明孝寧領兵前行以五千雄郎步軍臨  
蠻界乃逢龍氏萬餘人孝寧併輪三陣至夜  
立寨於秦風山漢伏波將軍馬援廟尚間蠻  
兵追逐方二更時相望百步間忽風雨四起

兵馬數級是時孝寧頓兵伏波廟不動聞歌聲漸遠至曉領兵再往迎敵見前路傷中壘子尸首相枕直向壘界九陽谿去探知蠻子龍氏有赤脚寇一萬二千今無二千回各傷中鬼箭龍氏亦折右臂見歸深洞人人皆言大朝有神聖鬼兵護助舉聲呼云自此降伏更不敢作亂復來取問得龍氏定伏情狀申奏朝廷看詳宜賜修蓋護國觀真武諸殿以三年給度牒披戴焚修每年賜二百貫充常住用其張孝寧除授瀛州防禦使

符吏借兵

內殿承制盧守聰因往河北三關邊廷察探契丹動靜於黃河岸西遇二人各齎寶封文字一角守聰問之言我二人今日巡察世間因到定州衛見北極真武靈應真君隊仗云北蕃戎卒漸加萬數為宋朝兵馬稍少難為拒敵緣下降時不曾將帶天兵力士隨行今差某二人齎說文字限制那間往來謀計會炳靈公急關借鬼兵神將一萬眾定壬子月戊子日丙子時布設一陣欲助南朝殺蕃蕭

軍邊境二符吏言訖便過河守聰回國面奏推令有司附口記錄後刑部侍郎充三關都總管富弼回朝參賀奏稱北蕃契丹今皆滅戮更無舉戰意曾檢到燕國黎王趙愨供下剋伏文狀却放回蕃取問獲勝時日係歲庚午壬子月戊子日丙子時與內臣盧守聰預奏同辭除兵將等酬轉賞給外持行德音赦天下罪仍於定州建聖祐觀一所告成日別降御銜詞表答謝

書顯魏家

中書門下樞密院三司禮部同承尚書兵部侍郎參知政事充定州待衛兵馬都招討兼經略安撫使王著劄子契勘雍熙三年七月百萬蕃兵已近界河因部軍上將觀察使潘仁美與老臣太尉揚繼業不相和睦並為帥出軍一陣趕越蕃兵六十餘萬直入北幽狼山被潘仁美潛收軍回寨獨遺繼業軍馬深入契丹添兵擁入虎口堡繼業失陣身死次男延朗赴關理雪除已差官監伴潘仁美候勅外據東頭供奉官楊延朗經登聞鼓院抱

冤投狀稱潘仁美與朝廷奸臣結連私有文字往返教令北蕃違逆先皇囑付謀殺父命奉聖旨令左右監察司限三日探察管要顯露并委全臺用心根究三日將滿兩班文武盡知秘書監丞王允從本是蕃人疑其機構却為寵用不見彰露難以收捉時監察御史魏懷信慮有罪責遂言與相府王宗旦等本家崇敬北極真武至靈至感欲屈眾班屈本家對真武聖前啓露上件國奸速來顯露群公同到魏懷信家恭俟真聖垂決忽於廳前現一蒼頭遽然聲喏某是北燕屬戶小兒為見王允從本販貨蕃客寄居補州却稱舉人後來將似此十人為家童入京賣書得過金龍節就試英明科及第今為秘書監丞內教博士其人乃是蕃中細作見在宋朝結黨年深藏機隱行今將北燕往來書啓共十通告首願奏皇帝望賜恩酬蒼頭移步忽然不見是時相府王宗旦等方顯王允從奸逆抽書十紙進呈即差人檢到王允從當殿取問並皆招伏祇不認有蒼頭曾盜蕃書尋與允從

點對北蕃文字十通內一紙云駕不得離京  
 兵不得離邊此語意未詳何謂繼送允從下  
 御史臺訊勘處死封首級送還北蕃其楊延  
 朗除授內殿崇班充梁門寨都巡檢及勤到  
 潘仁美情犯係是先朝外祖舊臣聖旨剝麻  
 降授太原監酒派四今看詳楊繼業委是先皇腹  
 心忠傑不幸遭奸臣謀陷野痛傷特贈推  
 忠協政定亂安國功臣河東節度使就梁門  
 寨建忠輔禪院焚修祠堂可大赦天下三司  
 禮部看詳報謝真既奉聖旨特賜法醮七晝  
 夜赴魏懷信家庭真武聖前建設其魏懷信  
 除授朝奉郎改差知隰州

玳落王宅

太子贊善王侁為桂州經略安撫司機宜因  
 將官梁穆以解圍所生果菜押配軍人與虎  
 翼指揮頭表昇等同情將還償直為名剋眾  
 軍賞給請受入已致眾感怨適夜捨劫甲仗  
 走入驢耳山聞奏朝廷蒙指揮先委機宜司  
 體量梁穆情致飛申經略司追攝根歷申奏  
 其梁穆推避不出所是驢耳山軍徒有言秭

恨兵官梁穆今朝廷差官齋到官爵謚書錦  
 旗敕文恩詔今為梁穆不出恐別生不虞展  
 轉負累夜聞本家堂內鐘然有聲王侁驚起  
 持燈巡照却於中門拾得杯玳一付乃是本  
 州漢陽觀鑄題字號王侁次朝親到觀中將

派四

五

與道衆看却云何得落在大夫宅中此杯玳  
 是本觀真武殿內用者王侁定省思惟必是  
 真武響報於侁遂詣殿虔禱用其杯玳奏述  
 上件因依先願聖力遣令平定擲三兆並無  
 間阻王侁頂謝出殿盤旋之間遽報梁穆解  
 字中全家慟哭審問其梁穆忽似衝惡口吐  
 點血倒地氣絕身死王侁既聞王事更不令  
 人知覺還差得力軍級急赴梁穆解字將帶  
 血尸首擡昇出來王侁自為招軍使命詐稱  
 朝旨出城來迎上件二十餘軍持扛昇梁穆  
 死尸招召軍衆看認明言蒙賜藥酒已不召  
 為汝等故汝等莫忘天子重恩今離官既死  
 承族追官軍首衣振使隨王侁訓召餘人盡  
 皆跪受赦罪原免罪愆次受詔詞謚書等第  
 恩賞披掛錦襪復歸桂州科局如舊遂蒙經

略安撫使邵謚保奏其桂州漢陽觀奉聖旨  
 賜錢重修賜額為報應護國殿王侁除授朝  
 奉郎差知軍州

柯誠識奸

在京有神猛指揮柯誠因患雙目不任教閱  
 減閣請受曾至渭河候夜投水不期臨危得  
 遇神人就水際叫住施藥就水調洗便得光  
 明全復從此雙目辨識外奸邪詐不正之道  
 後因得夢方知是真武化身來救服患次被  
 西蕃李克淵曾發紙作趙可大為賣書彙推  
 廣角車子入慶州逐日看認城池圍脚歸房  
 用白礬水抄畫地圖被柯誠眼認破捉到慶  
 州一向抵諱及搜出所畫地圖又作白紙柯  
 誠用水蘸出勘問招伏取斬柯誠酬轉十將  
 替滿歸京又值錢去盈權判南省抽差柯誠  
 充京城捉事因魏王宅被人改形裝作行火  
 使者入醮會上搜出硫黃火術驚嚇宗室親  
 官強盜去渾銀酒器六百兩并御賜金香毬  
 約一百兩見奉勅限堆梁賞錢及右班殿直  
 誥牒一道招人首捉柯誠既蒙旨令緝捕歸

派四

六

家焚香禱告真武福神願收捕前項奸盜方  
祈告了當出門如得人引路直行到蔡河灣  
西真寂院前有數人賭博柯誠前者內一人  
身畔有棧道銀子露出於胸懷柯誠指定搜  
出數件銀器照證解赴南省鞫元是鄧州  
配軍周詮已依法行遣外申奏朝廷蒙聖旨  
其柯誠除授右班殿直及支賞錢仍降指揮  
於玉津園修建報恩大醮并於四聖觀遣官  
降香釋其禮儀獻謝

### 洞真認厭

在京上清延福宮天禧中有雲遊道士羅洞  
真寄掛三年不語因隨道錄入內持課保扶  
文母皇太后劉氏疴疾對聖駕慕語云觀見  
宮庭有赤氣臨於宮閣正西面東之位主有  
厭魅呪詛發毒之兆若於此方位認有如赤  
蒸裂破處開掘七尺須有名目陰人厭穢之  
法於其下緣文母為受此毒致日發寒熱時  
宣諭宰執大臣參詳賜令羅洞真入內認路  
至正西方有宮號禧聖閣是先太祖皇帝花  
菜妃子之室已空靜年深至第四幃幃據羅

洞真於此令人掘深七尺下有石花方磚一  
片背面用膠生硃寫呪詛術文及太祖年月  
日時又用羅帛包成人物逐色不祥之類被  
羅洞真取東南方桃木為劍編鎖左手草繩  
縛繫釘於北方鬼門空野之處以火燒過自  
後太后疾減因書睡夢見七人披頭赤體身  
掛金紙來告太后念某七人是受法土魂昨  
被婦人花藥行奸欲虧害太祖世祚作天魔  
七返還尸術用某七般呪詛之物埋在御榻  
地底七尺無何太祖立極感動天地五獄萬  
靈扶助其花藥却遣滅除以致厭呪之物在  
地不能出脫遂成影魂因繫著太祖纏綿不  
豫今日蒙道士羅洞真與某等解釋出土雖  
得離太后聖體奈無所歸除得羅道師為某  
等持行北極真武靈應法錄令消散却歸本  
物各求往生太后依此再宣羅洞真入內行  
法奏告真武救此七般魂形託化後經三日  
七人又於夢裏來告已蒙真武授記各得歸  
真本託生故來告辭而去尋特面奏皇帝奉  
聖旨就延福宮塔建三壇法醮三晝夜及贈

羅洞真紫衣師號并延福宮住持焚修聽候  
宣喚

### 聖懷化婦

潁州西安縣因劫盜黃狗三等因探知朱  
守成家極有金銀財帛其家口少先來近處  
陸二公家停下於慶曆七年四月十一十二  
十三夜黃狗三各持火罐器仗往朱守成門  
首狂風大雨群犬號吠疑怯遂回於十四夜  
又去遂越墻入朱守成園內方欲穿換第二  
重門壁其門自開忽有二十餘人披甲執刀  
持棒出來起捉黃狗三等先次搬出牆外急  
走被一人隨後趕狗三心急更不回顧覆手  
用槍尖擗殺半路中到得陸二公家數內不  
見陳伴兒却誤殺死在路上者社申官備賞  
錢召捉聞却有陳伴兒妻經官告首夫主因  
與黃狗三同作盜被徒眾抵將夫主陳伴兒  
擗殺其黃狗三一行九人見今窩藏在陸二  
公夾壁內尋差巡尉火急密往收捉並全陳  
伴兒妻當時不知去處據黃狗三供通誤殺  
陳伴兒本是山東齊州人即無妻屬及朱守

成供稱四月十一至十三夜本家即無風雨亦無犬聲十四夜雖聞大路有被殺人今雖知是陳伴兒其夜亦不知黃狗三等越牆入第二重門即無兄弟兒孫人力火客私置甲仗披掛出去趕捉兼守成裏外秋有家累七

口知州韓績詳審事情涉於疑惑再問朱守成家甚靈祠致此陰助又此婦人首獲黃狗三等據守成言家間祇有一堂真武真君三代相續香火不闕韓績遂令取到聖幘與眾官展看其畫有直符神將共十六人皆披甲執仗并婦人一人稱是元捨此畫弟子韓績因曉悟將黃狗三等斷訖備錄申奏蒙中書看詳朱守成係村落下民尚有供養仁心受福保安不遭劫盜况國家香火崇信禮典遍滿天下祇如告獲眾盜不累官司捕緝豈非護國之功宜遣使持令潁州所有真武宮觀修建齋醮禱謝

神靈分形  
梓州有師巫魯遷三代附神祇事奉一堂真武真君香火尋常占事求籤詳斷來意皆驗

本州有三人各是開興鋪力戶第一馮虫大第二高邵郎第三游行兒歷生結託在外將經商為名却同行竊盜不曾敗露亦無人知內馮虫大忽一日備香紙來魯遷家禱真武求籤但潛聲懇祝一併二日如此第三日又

來魯遷遍問來意虫大發惡用脚踏倒香案打壞供具而去後三人又往外半年復歸有變州不相識數公人夜至魯遷家相見皆認遷謂而知云遷曾到夔州告首本州遭劫奪人家稱是梓州馮虫大高邵郎游行兒為夔州當下不見魯遷致特差人來問要知三人住處即去收捕遷曰遷祇奉事真武在家卜籤卦何曾出到夔州首人公事然此有馮虫大等三人並是得辦之家何曾作盜公人既見此說且歸旅店次早再欲見魯遷不覺面

前却是魯遷相引行至龍興寺前路間見馮虫大等三人在彼看醫馬蹄被魯遷牽手令公人捉下其公人急令二人往魯遷家遷在家尚睡未起公人押歸夔州下院報勘旬日中又是梓州魯遷揭得賞榜係涪州收捉被

蠻主郭助教亦是馮虫大等今有首狀照證及喚問魯遷又忽不見遷此勘馮虫大等件招伏已該法外凌遲案後計弄諸處賞錢共有二千貫文其魯遷是告首之人得錢七分合牒梓州發遣前來請領後准回文委證

魯遷素不離家出外亦不知告首馮虫大等打劫因依及供公人前次來問事由並無干涉時知夔州張世明詳酌事理恐梓州魯遷自身或本家積善行德為正應之人感攝神靈分形託化為官救民獲此兇惡欲將賞錢給之其實保明申奏續准回降據數項賞錢盡數支與魯遷仍量給米麪酒帛等本人請得錢物盡捨入本州元聖觀建造北極四聖殿仰報聖恩魯遷年九十九歲無疾而終

寇船退散  
東上閣門使眉州防禦使新差京兆府兵馬鈐轄謝柔立自天禧年中差西域路頓勾當於黃河岸際遇真武真君飛渡黃河謂柔立言西蕃奉使李希孟入國切宜緝捉能畫者即是奸人柔立稟命果至東京捉獲傳畫惡

孝寺皇后御容一行着使敗露尋送大理寺已行賜罪詔未立蒙朝廷推賞轉職逐日於家堂香火報謝每夜二更備香露天朝北禮拜將及一年忽蒙朝廷詔充交趾回禮副使同國使吏部侍郎燕宿渡海未及中路名白林山於午時間遇寇船四十餘隻叫喊施閱槍弩意欲劫奪財貨為防送不備器械是時謝乘立於水際真酒拋紙懸空泣告真武降靈海寇頭領稱是陳廣秀才方等槍欲害柔立忽發一箭中陳廣前心落海鈎搭上船斫其首級懸竿令眾却見群寇五百餘人競船相附發怒欲來酬殺其寇船方努力搖上被抵頭風吹退如此相拒三晝夜忽望見交趾國不遠已臨女仙城界有人來迎接眾寇退散燕宿與柔立等賴蒙真武救護回國以上件感應面奏特奉聖旨就王津園賜設黃籙大醮道場七晝夜散日差近侍遍詣名山洞天拜建道場投放龍簡虔謝恩德

劫院就擒

登州羊山白雲資慶禪院有維那僧晚初不

惟奉佛而留心道教常於容舍靜處供養真武專誠勤恪其院臨近海島有邵武軍周應等百餘人於海道強劫殺人放火所屬州縣堆聚賞錢召人收捕日久徒黨轉多難以除剋一日周應等欲入本院劫奪其夜晚初學見院門土地來報將有驚劫被真武指揮令放黑風吹逆身船來之未及可速報官不得遲也晚初趁夜發人告報巡檢即時兵甲到院四散埋伏果於次日周應等數百人執槍杖入院執云借此一宿主事出迎周應等共到法堂點茶院門已將關閉晚初哀告許下錢物至晚臨行當得獻納周應曰何須候晚急令般出應幕然驚懼云何故眼前亂花頭如火燒四肢不舉續後西辛山巡檢裹車一行人馬擁出擒捉並不走透一人解押入登州禁奏已各行遣外所有賞錢七分合給僧晚初三分支與巡檢兵級據晚初狀稱所獲海寇非院門功勞因真武降靈使令眾寇手足不遂各就擒縛願朝建報答真武州司備奏奉降旨其羊山白雲資慶雖是釋教禪院

特賜真武殿一所并賜御書太上真武經一卷永充奉安香火仍賜晚初紫衣并真應大師充焚修本殿掌管御經仍給七分賞錢添造寶殿

捨身求雨

壽州安豐縣王文慶有一女子小字招弟從十三歲不喫腥魚活物好親道德因遇一化緣女道流叩門勸招弟令受持北極真武靈應真君招弟告云為有上下恐無力可供聖像但只求得真武經一卷日夜念熟行坐藏於胸懷逐日迷冥想存真像燒香稱誦年二十其性巧麗聰敏富貴之家欲求為親並為允意唯口不住稱念本師真武一日忽聞父叔兄弟聚話嗟嘆云去年大旱諸鄉缺食今田苗正要水漿上天不降甘雨民間又將失望雖本村真孚巖有龍潭官吏到來取水略無應驗是時招弟聞此自露天剪髮發心取七月十五日焚香捨身為天下遭旱處保求雨澤願祈豐稔骨屬勸之不從遂就家前起立柴塔是時四方觀者圍繞讚歎招弟形

容永不改止如常告辭父母眾人留傷云來時尋度去即舊路三春花艷開謝無固傷卑嘻笑入於火中既透發於柴棚中心有青光一道直衝天門良久驟雨傾降其火有如油蠟澆灌光艷轉盛雨過燒畢又降大雨凡兩日一夜應河渠田苗盡皆霑足至晴王氏洎鄉眾來取骨灰並無纖毫塵迹却於柴灰中拾得欄子一條帶結定在生受持真武經一卷儼然如故方知其尸火解惟留經卷衣服以表誠心因其雨水通濟靈感所致州縣前來喚王文慶齋火內焚燒不壞真武經一卷看驗詣實施行次却准符照會天下應缺雨處已於七月十五日至十六日天降甘澤周足及勘會本州境界有青光一道衝天係是何處是何祥瑞州司具奏准中書省詳宜下壽州以官錢就天慶觀建立小閣一所收王招弟遺迹真武經一卷用絲匣盛藏永充供養立碑為記仍封王招弟為濟澤聖姑置祠香火

附語祈晴

果州有失目人陳希於少廣山夜遇一真武傳訣逐日專奉後覺出言如附神語為人求係事叙皆合來意四遠響馳人所施惠多不戀已用為功果咸平年中夏接秋序久雨傷禾州縣祈穰皆無感應眾狀舉陳希供養真武祈求有靈知郡黃宸遂令陳希赴廳陳希却告黃宸須得親製祝辭迎請陳希家真武寶座至州衙選道士七人啓立清淨道場禁屠減刑逐日放土庶燒香瞻禱祈晴道場已對三日陳希對知通官眾附傳聖語蒙真武降言果州為天曹注定六十日雨減除禾顆十分不收今更有二十餘日連雨未息今既要求晴奉天皇勅旨消滅元注日分至明日已時雨脚漸從正北而收午時天色晴明禾林茂盛必獲成熟其陳希精神復回適來降靈所說之事皆不知之明早大雨如傾已時便晴於正北方雲霧頓收本州復留真武展三日道場備香花道具迎送真武歸陳希家又於本堂啓建道場答謝至冬間果州五縣並無檢放苗數後轉運司體問因依奏聞朝

廷續降回命下果州宜令置立照應記錄於州衙大廳永遠為驗陳希除本州支與酒麩錄帛外特賜靜應居士為號

孫隱遣蝗

朝奉郎尚書刑部郎中知嘉州楊扈劄子伏見峨嵋縣令孫隱縣治公勤有數術救濟災苦第一考鄉村蟲蝗傷害早禾峨嵋縣雖有飛蝗不傷禾穗祇因孫隱付下呪水分俵逐鄉人用柳枝散灑其蝗盡化為飛蟻投水而變至秋收不失分毫檢放峨嵋山逾年有虎狼傷人孫隱發黃紙符牒一封給付峨嵋山諸管繫神司自後絕蹤第二考本路轉運使陶汾經歷偶風涎氣中孫隱將囊湯調藥灌之乃安第三考知州楊扈有新婦實氏臨產驚危孫隱付到生硃符一道燒灰用水調下即獲平安緣孫隱任滿本州百姓涕泣舉留再任特召孫隱審問何術以成異功孫隱乃云先父太監孫宗道曾隨先皇太宗帝駕取河東夜在錦柄川遇真武真君傳授九件符錄呪水科目先父雖不行用隱從受恩一向

供養真武欲誓行符呪水救人皆承真武扶助豈孫隱之能楊危具劄保奏運使陶汾續有奏聞朝廷看詳未言餘事祇將消遣蝗蟲鎮伏虎豹乃是靈法護為優顧其孫隱係陰賜恩本無出身今特轉授无極寺丞再就峨嵋縣一任其嘉州有真武慈濟觀是知州楊扈運使陶汾及市戶報恩躬立

守御懷蟲

福州百姓林守卿實元年中因為海商至漳州海口遇風潮其船看即沉溺不覺船頭空中現一神人叫言守卿今後休更販海今敕爾一船驚危他日來閩山天慶觀尋南廊任道士相見言訖化白光不見其風濤頓息舟楫輕穩回歸福州遂入閩山天慶觀南廊詢問即無任道士房據一老道士云任字即人看王南廊有真武真君舊係人王護國殿守卿方悟詣殿禮謝因求極好沉香雕裝金縷真武一堂終身供養匠者方取沉香方圓可一尺三寸試欲斧鑿忽迸數道祥光漸漸光明不斷其功德完備守卿共約捨錢萬餘貫

於州境及閩山宮觀寺院普設大齋重新修蓋天慶觀并人王護國真武殿奉安慶懺更不令子孫販海經商當年福州春夏大旱蟲蝗飛集侵害禾苗遍祈無應直至七八月間蟲蝗不息州府訪聞林守卿家真武祈求有感率州官來迎請真武就州廳逐日三時行道執禮虔懇纔經三日蟲蝗自抱樹條而死四村人連枝折來呈驗逐日甘澤漸降遂至冬收所傷禾尚救一半州府慶謝真武啓大法醮畢准前威儀送歸守卿家堂其知州陳辭欽云錄林守卿泛海蒙救雕造聖像紅光顯現及祈求雨澤消穰蟲災於是七州十九縣普獲救濟保明諸寶奏聞續准指揮其林守卿所置真武仰本州依價給換入京守卿從此進獻赴闕朝廷相驗係沉香寶座工巧外應現祥光及降福靈感實為奇異奉聖旨留納為鎮國珍寶入內殿供養林守卿特賜三班借職後來官至右侍禁年九十六無疾而終

玄天上帝啟聖錄卷之四

玄天上帝啟聖錄卷之五

消穰火德

咸平二年司天臺奏定九月初三日火星合躔婁宿正照齊國鄆州分野大火災行下本州預宜懷謝緣鄆州係京東西路屯兵津要從四月間告示宮觀懷大道場設醮祈禱時市南李惟信九牛子牙人每夜三更潛於橋道要會之處燒香設拜一夜偶值都監任從速出巡作犯夜收解鄆州據稱在外為不肖犯夜自正月初七日夜因知一事遂燒夜香乃問何事惟信曰昨發心將一年解得牙錢醮獻天曹答謝衣食來處作散席齋會忽有雲遊道士衣冠不整風韻飄逸手挈圖畫一軸入來求齋是絹畫真武像惟信欲求供養其道士便先祇取價錢兩貫乃就齋食至中半忽一聲風鳴不見其人但於坐卓上收得活龜一枚如桃核大惟信明知遭遇聖真顯化降授香火兼得小龜靈異因實惜供養今年正月初七夜方備下降紙禮燒獻真武又見數年前賣畫軸遺下小龜道士入門惟